



Broj: 16-12-16-2-5857-~~11~~ /15
I. Sarajevo, 10.08. 2015. godine

Na osnovu člana 70. Zakona o javnim nabavkama ("Službeni glasnik BiH", broj 39/14), na preporuku Komisije za provođenje postupka nabavke broj 16-12-16-2-5857/15 od 29.07.2015. godine, u postupku javne nabavke higijensko-potrošnog materijala za potrebe Državne agencije za istrage i zaštitu, zamjenik direktora Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u konkurentskom zahtjevu za dostavljanje ponuda za javnu nabavku higijensko-potrošnog materijala

Član 1.

Prihvata se preporuka Komisije za provođenje postupka nabavke broj 16-12-16-2-5857/15 od 29.07.2015. godine i okvirni sporazum za javnu nabavku higijensko-potrošnog materijala za potrebe Državne agencije za istrage i zaštitu dodjeljuje se ponuđaču "ECOTIME" d.o.o. Sarajevo, ponuda broj 16-12-16-2-5857-7/15 od 14.07.2015. godine, za ponudenu cijenu 10.120,20 KM bez uračunatog PDV-a.

Član 2.

Ponuđač iz člana 1. ove odluke obavezuje se da u roku od pet dana od dana prijema iste ugovornom organu dostavi dokaz o ispunjavanju uslova iz čl. 45. i 47. Zakona o javnim nabavkama (orginal ili ovjerena kopija).

Član 3.

Prijedlog ugovora o pružanju usluga dostavit će se na potpis izabranom ponuđaču, po proteku roka od 10 dana, računajući od dana kada su svi ponuđači obaviješteni o izboru napovoljnije ponude.

Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 5.

Ova odluka objavit će se na web stranici Državne agencije za istrage i zaštitu, istovremeno s upućivanjem ponuđačima koji su učestvovali u postupku javne nabavke.

Član 6.

Ova odluka stupa na snagu danom donošenja.

O b r a z l o ž e n j e

Postupak javne nabavke higijensko-potrošnog materijala za potrebe Državne agencije za istrage i zaštitu (u daljem tekstu: Agencija) pokrenut je Odlukom direktora Agencije broj 16-12-16-2-5857-1/15 od 29.06.2015. godine, procijenjene vrijednosti 13.000,00 KM bez uračunatog PDV-a, za šta su novčana sredstva predviđena u okviru budžetskih sredstava za 2015. godinu. Postupak javne nabavke proveden je putem Konkurentskog zahtjeva, za koji je obavještenje o nabavci objavljeno na Portalu javnih nabavki broj 1161-7-2-665-3-16/15 od 02.07.2015. godine.

Komisija za provođenje postupka nabavke (u daljem tekstu: Komisija) dostavila je Izvještaj o radu broj 16-12-16-2-5857/15 od 29.07.2015. godine sa preporukom o izboru najpovoljnijeg ponuđača u postupku javne nabavke higijensko-potrošnog materijala za potrebe Agencije.

Obzirom da je tačkom 6. Konkurentskog zahtjeva navedeno da je rok za dostavljanje ponuda 14.07.2015. godine do 12,00 sati, te da se ponude dostavljaju u zatvorenoj koverti, Komisija je dana 14.07.2015. godine u 13,00 sati izvršila javno otvaranje ponuda. Predsjedavajuća Komisije, na otvorenom sastanku, pristupila je otvaranju primljenih ponuda prema datumu i vremenu prijema, numerišući kovertu, gdje je utvrđeno da su blagovremeno dostavljene tri ponude, uredno zapečaćene, kako slijedi:

Redni broj	Naziv ponuđača	Vrijednost ponude (bez PDV-a)
1.	“ECOTIME” d.o.o. Sarajevo	10.120,20 KM
2.	“DEFTER” d.o.o. Sarajevo	10.936,00 KM
3.	“R&S” d.o.o. Sarajevo	14.714,90 KM

Komisija je nakon otvaranja ponuda, u smislu člana 63. st. (5) i (6) Zakona o javnim nabavkama (“Službeni glasnik BiH”, broj 39/14) (u daljem tekstu: Zakon) sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima.

Komisija je postupak nastavila u smislu pregledanja dokumentacije priložene uz svaku pojedinačnu ponudu, a u cilju ocjenjivanja svakog ponuđača, te njihove kvalifikovanosti shodno uslovima navedenim u Konkurentskom zahtjevu. Uvidom u sadržaj dostavljenih ponuda Komisija je utvrdila da ponuđač “ECOTIME” d.o.o. Sarajevo, “DEFTER” d.o.o. Sarajevo i “R&S” d.o.o. Sarajevo ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti, kao i ekonomske i finansijske sposobnosti. Komisija je takođe konstatovala da ponuda ponuđača “DEFTER” d.o.o. Sarajevo ne ispunjava formalno-pravne uslove iz tačke 2.2. Konkurentskog zahtjeva, obzirom da je ponuđač dostavio obrazac za cijenu ponude koji nije popunjen kako je navedeno u samom obrascu. Naime, navedeni ponuđač nije naveo cijenu za stavku 1. iz obrasca ponude, nije iskazao ukupnu cijenu bez PDV-a, nije iskazao eventualni popust, kao ni ukupnu cijenu sa popustom bez PDV-a, niti ukupnu cijenu sa PDV-om. Obzirom na naprijed navedeno Komisija nije dalje razmatrala niti vrednovala ponudu ponuđača “DEFTER” d.o.o. Sarajevo.

Obzirom da su prema tački 2.6. Konkurentskog zahtjeva ponuđači bili dužni uz ponudu dostaviti i uzorke ponuđenog higijensko-potrošnog materijala, to je Komisija postupak nastavila u smislu provjere dostavljenih uzoraka higijensko-potrošnog materijala kvalifikovanih ponuđača koji ispunjavaju formalno-pravne uslove iz Konkurentskog zahtjeva. Komisija je utvrdila da je ponuđač "ECOTIME" d.o.o. Sarajevo dostavio uzorke higijensko-potrošnog materijala u skladu sa tačkom 2.1. i 2.5. Konkurentskog zahtjeva, odnosno da ponuđeni jednoslojni ubrusi u rolni su kompatibilni držaču ubrusa u rolni Windows Controlmatic, mehanički Kimberly-Clark Profesional, da su od 100% celuloznog papira, kao i da je ponuđen toaletni papir dvoslojan, bijele boje u listićima, izrađen od 100% celuloznog papira i namijenjen za dispanzer toaletnog papira Aqua Kimberly-Clark Profesional. Dostavljeni uzorci sadrže deklaraciju proizvođača.

Komisija je takođe utvrdila da dostavljeni uzorci toaletnog papira u listićima ponuđača "R&S" d.o.o. Sarajevo nisu u skladu sa tačkom 2.1. Konkurentskog zahtjeva, obzirom da su uzorci toalet papira jednoslojni, a ne dvoslojni kako je to traženo Konkurentskim zahtjevom. Takođe, Komisija je utvrdila da su dostavljeni uzorci ubrusa u rolni ponuđača "R&S" d.o.o. Sarajevo u skladu sa Konkurentskim zahtjevom

Nakon pregledanja dokumentacije priložene uz dostavljene ponude i uvida u dostavljene uzorke higijensko-potrošnog materijala, Komisija je u smislu člana 65. st. (1) i (2) Zakona, ocijenila ponude kvalifikovanih ponuđača, primjenjujući kriterij najniže cijene tehnički zadovoljavajuće ponude iz tačke 8. Konkurentskog zahtjeva i sačinila rang listu ocijenjenih ponuda kako slijedi:

Redni broj	Naziv ponuđača	Vrijednost ponude (bez PDV-a)
1.	"ECOTIME" d.o.o. Sarajevo	10.120,20 KM

Nakon provedenog postupka ocjenjivanja dostavljenih ponuda, Komisija je utvrdila da je jedino ponuda ponuđača "ECOTIME" d.o.o. Sarajevo tehnički zadovoljavajuća.

Shodno navedenom, prihvaćen je prijedlog Komisije i odlučeno je da se ugovor o javnoj nabavci higijensko-potrošnog materijala za potrebe Agencije dodijeli ponuđaču "ECOTIME" d.o.o. Sarajevo.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama.

DOSTAVLJENO:

- Ponuđačima 3x,
- Sektoru za mat - fin poslove,
- a/a.

